

Nakon provedenog postupka direktnog sporazuma, na način i po postupku predviđenom članom 90. Zakona o javnim nabavkama, zaključuje se

UGOVOR
o nabavci Office 365 Business Essentials

J.U. "APOTEKE SARAJEVO", Sarajevo, Aleja Bosne Srebrene bb/IX, koju zastupa generalni direktor Prim. mr. ph. Sait Muradić, (u daljem tekstu: Kupac) i

LOGOSOFT d.o.o., Sarajevo, Igmanska 9, ID: 4200236190009, koju zastupa direktor Damir Dizdarević i Žana Čubrilović, izvršni direktor za finansije (u daljem tekstu: Prodavac).

I PREDMET UGOVORA

Član 1.

Predmet ovog Ugovora je nabavka Office 365 Business Essentials, u skladu sa ponudom Prodavca broj: 133-01-SA/17 od 27.12.2017. godine, koja je sastavni dio ovog Ugovora.

II VRIJEDNOST UGOVORA I CIJENE USLUGA

Član 2.

Cijena predmeta ugovora iz člana 1. iznosi 4.419,45 KM bez PDV-a, odnosno 5.170,76 KM sa PDV-om.

III PRAVA I OBAVEZE UGOVORNIH STRANA

Član 3.

Prodavac se obavezuje da će predmet ugovora isporučiti Kupcu, u roku od 24 do 48 sati od dana zaključenja ugovora.

Prodavac je obavezan da kupcu nadoknadi štetu zbog neblagovremenog izvršenja predmeta ugovora, izuzev u slučaju više sile, poremećaja na tržištu, razloga koji je skrivio kupac i drugih okolnosti na koje prodavac nije mogao da utiče, kao i nastalu štetu zbog neisporučene količine robe koja je poručena.

Član 4.

Kupac se obavezuje da će plaćanje za predmet ugovora izvršiti u roku od 15 dana od dana zaprimanja fakture i isporuke predmeta ugovora, pod uslovom da nije bilo reklamacije od strane kupca.

Plaćanje se vrši na transakcijskih račun Prodavca naznačen na fakturi.

IV KVALITET USLUGE

Član 5.

Prodavac garantuje da će kupcu izvršiti cjelokupnu uslugu koja je predmeta ugovora, u protivnom, prodavac je obavezan da kupcu naknadi pretpjelu štetu.

V KVALITATIVNI I KVANTITATIVNI PRIJEM

Član 6.

Izvršenje usluge prati određeni dokument (otpremnicu), koji mora biti propisno ispunjen i ovjeren od strane prodavca i kupca.

Dokument iz stava jedan ovog člana čini sastavni dio fakture.

VI SAOPŠTENJE I REKLAMACIJE**Član 7.**

Ugovorne strane su saglasne da će se međusobno informisati o svim bitnim elementima koji su od značaja za realizaciju ovog ugovora.

Svaka strana zadržava pravo da u roku od tri dana, računajući od dana učinjene povrede odredbi ovog ugovora, uloži prigovor drugoj strani.

Član 8.

Pravo prigovora, odnosno reklamacije, naročito se odnosi na slučajeve:

- isporuka usluge neodgovarajućeg kvaliteta,
- neblagovremene isporuke usluge,
- isporuke naručene usluge u neodgovarajućem obimu,
- neblagovremene najave,
- neblagovremenog izmirenja obaveza, i
- u drugim opravdanim slučajevima.

VII TRAJANJE UGOVORA**Član 9.**

Ovaj ugovor se zaključuje na period od 29.12.2017. godine i biće na snazi sve do i uključujući 31.01.2018. godine.

VIII PRELAZNE I ZAVRŠNE ODREDBE**Član 10.**

Ukoliko u toku trajanja ovog ugovora dođe do bilo kakvih promjena u nazivu ili drugim statusnim promjenama ugovornih strana, tada će sva prava i obaveze ugovorne strane kod koje dođe do takve promjene, preći na njegovog sljedbenika.

Član 11.

Za sve što nije predviđeno ovim ugovorom primjenjuju se odredbe Zakona o obligacionim odnosima i drugih pozitivnih propisa.

Ugovorne strane su saglasne da je u rješavanju eventualnog spora nadležan Sud u Sarajevu.


Član 12.

Ugovorne strane su saglasne da do raskida ovog ugovora može doći na pismeni zahtjev jedne od ugovornih strana, sa otkaznim rokom od 15 dana.

Član 13.

Ovaj ugovor je sačinjen u četiri (4) istovjetna primjerka od kojih dva primjerka zadržava svaka ugovorna strana.

J.U. „APOTEKE SARAJEVO“


 Prim. mr. ph. Sait Muradić
 Generalni direktor



Broj:01-03-1850/17

Datum: 29.12.2017. g.

LOGOSOFT d.o.o


 Damir Dizdarević
 Direktor



Žana Čubrilović, izvršni direktor za finansije

Broj: 225-01/17

Datum: 27.12.2017.

